

E miho ehempel di disciplina y pasion ta reconoci den e proyecto Hoben y Talentoso 2015



ORANJESTAD- Evento 'Red Carpet' na Cas di Cultura tabata vibra di e esfera positivo cu tabata reina na momento cu hobennan talentoso tabata subi escenario pa haya nan "Award Book" for di man di iniciado di e proyecto Hoben y Talentoso, Prome Minister Mike Eman.

Un total di 28 hoben Arubiano cu a destaca a wordo reconoci den un anochi inolvidabel yena cu recuerdonan cu lo keda biba pa semper den curason di e propio hoben, su mayornan, famia y amigonan. Un talento cu nan a nace cun'e y a haci algo cun'e, sea ta riba tereno di educacion, innovacion, musica, arte, deporte, poesia, empresario y hopi otro talentonan creativo.

Esunnan honra durante e anochi di gala tabata Shawn Zaraga, Jean Marc Antersijn, Renze Postma, Isaac Croes, Shanayah Howell, Amanda Maduro, Daniella van den Berg, Alina Mansur, Shardea Croes, Evan Nedd, Julianne Dorothal, Clifford Rasmijn, Naomi Lopez, Cody Arends, Chloé Cicilia, Steven de Cuba, Darwin Winklaar, Denny Loeftop, Genard Mohamed, Lislaine Bermudez, Samantha Trinidad, Susjaira Kerpens,



Francielle Laclé, Patrick van der Biezen, Ramsis Arends, Ricardo de Vreede, Sandro Marchena, Shelby Maduro.

Comision Hoben y Talentoso kier a felicita e hobennan cu a keda nomina como e talentonan den 2015, cada un di nan ta un berdadero ehempel pa henter nos comunidad. Comision kier a yama un danki na e All Star Band cu a duna un presentacion di kita sombre na bunita anochi aki, Sergio Jansen, Cris Kross, Siegfried Hart, Susjaira Kerpens, Lidrick Solognier, Denny Loeftop, Lily Rodgers, Omar Kock, Rosabelle Illis, Osvaldo Corea, Lislaine Bermudez y Zyon Randall Luidens. Na Sr. Chucho Hoek y Arubaanse Muziek School pa facilita e acomodacion pa nos musiconan por a entrena. Nos MC-nan Ichelle Simon y Mark Benson Denz pa e tremendo trabou. E Departamento di Prensa di Gobierno pa nan excelente contribucion na e proyecto aki. Na e personal di filmacion bou guia di Leo Maduro como tambe e team di fotografonan sin lubida Ghislaine Nicolaas cu a percura pa e powerpoint. Na Cas di Cultura pa e ayudo den tur e dianan cu a pasa como tambe na Sandra Kelkboom pa e servicio di coy bebe. Por ultimo un danki special na Gobierno di Aruba, Playa Linda Beach Resort, Lotto, e loteria di Aruba, Setar NV y Clickprint cu ta e patrocinadonan di e proyecto Hoben y Talentoso 2015. Boso tur a haci e di tres edicion di e proyecto Hoben y Talentoso uno exitoso.

Keda pendiente pa e cobertura di e proyecto Hoben y Talentoso 2015 cu lo pasa na nos canalnan di television. Pa esunnan cu kier sa un poco mas riba e proyecto Hoben y Talentoso por subi e facebook page na e link [facebook.com/hobeny talentoso](https://www.facebook.com/hobeny talentoso)

